

註頭  
孝  
經

澤田總清編

特255

22



始



117 255  
22



澤田總清編

頭註

孝經

株式會社  
東京開成館藏版



頭註孝經序

夫孝者。人倫之大道。百行之基也。故自天子至庶人。無不以孝爲倫常之基矣。是以孝經一書行世久矣。唐明皇自注孝經。頒布天下。每家藏一本。我國天平寶字元年。詔曰。宜令天下家藏孝經一本。精勤誦習。而皇太子初讀書。每進孝經爲例。和漢重是書如此。古謂。求忠臣必於孝子之門。雖其言出於緯。亦可敬也。此印行御註孝經。附以頭註。勸獎世人誠實行孝道焉。

頭註孝經序

昭和辛未三月

東泉 澤田總清識

頭註 孝經

目次

孝經序

開宗明義章第一

天子章第二

諸侯章第三

卿大夫章第四

目次

一  
三  
三  
四

士章第五	六
庶人章第六	七
三才章第七	七
孝治章第八	九
聖治章第九	一〇
紀孝行章第十	一四
五刑章第十一	一五
廣要道章第十二	一六
廣至德章第十三	一七
廣揚名章第十四	一八

諫爭章第十五	一九
應感章第十六	二〇
事君章第十七	二三
喪親章第十八	二三
孝經序說	二六

(一)唐玄宗皇帝御製  
 (二)注、著也。解釋經指  
 使義理著明也。  
 (三)風、教也。教化也。  
 (四)朴、質也。略、疏也。  
 (五)因、猶親也。親愛父  
 母之心。  
 (六)資、猶取也。取恭敬  
 之禮節。  
 (七)仁義既有。謂三王  
 時。夏殷周。  
 (八)慈愛之心曰親。聲  
 美之稱曰譽。  
 (九)孝經鉤命決文。  
 (一〇)孝治章。  
 (一一)詩小雅車臺篇云。  
 高山仰止。景行行止。

孝經序

御製序并注

朕聞上古其風朴略。雖因心之孝已萌。而資敬  
 之禮猶簡。及乎仁義既有。親譽益著。聖人知孝  
 之可以教人也。故因嚴以教敬。因親以教愛。於  
 是以順移忠之道昭矣。立身揚名之義彰矣。子  
 曰。吾志在春秋。行在孝經。是知孝者德之本歟。  
 經曰。昔者明王之以孝理天下也。不敢遺小國  
 之臣。而況於公侯伯子男乎。朕嘗三復斯言。景

(三)天子章云愛敬盡於事親而德教加百姓刑于四海。  
 (二)漢書藝文志文。  
 (一)精微要妙之言。  
 (五)泯滅也。  
 (六)說文云煨盆中火燼火餘也言皆火餘之微末耳。  
 (七)家語三始篇江始出岷山其源可以濫觴。  
 (八)釋名曰酒滓曰糟浮米曰粕。  
 (九)左氏公羊氏穀梁氏鄭氏夾氏。  
 (一〇)毛詩韓詩齊詩魯詩。  
 (一一)孝經今文稱鄭玄註古文稱孔安國註。

行先哲雖無德教加於百姓庶幾廣愛形于四海嗟乎夫子沒而微言絕異端起而大義乖況泯絕於秦得之者皆煨燼之末濫觴於漢傳之者皆糟粕之餘故魯史春秋學開五傳國風雅頌分爲四詩去聖逾遠源流益別近觀孝經舊注踳駁尤甚至於跡相祖述殆且百家業擅專門猶將十室希升堂者必自開戶牖攀逸駕者必騁殊軌轍是以道隱小成言隱浮僞且傳以通經爲義義以必當爲主至當歸一精義無二安得不翦其繁蕪而撮其樞要也章昭王肅先

(三)躔尺尹反乖也駁錯也。  
 (三)今文則王肅蘇林何晏等古文則孔安國等。  
 (二)蓋后蒼張禹鄭玄王肅之徒。  
 (一)論語先進篇云子曰由也升堂矣未入於室。  
 (二)攀引也逸駕謂奔逸之車駕也言夫子之道神速不可及也今祖述孝經之人欲仰慕攀引夫子奔逸之駕者既不得直道而行必馳騁於殊異之軌轍矣。  
 (三)兩轍之間曰軌車輪所轆曰轍。  
 (四)莊子齊物論云道隱於小成言隱於榮華道聖人之大道小道小道而有成德者百家各說言

儒之領袖虞翻劉邵抑又次焉劉炫明安國之本陸澄譏康成之注在理或當何必求人今故特舉六家之異同會五經之旨趣約文敷暢義則昭然分註錯經理亦條貫寫之琬琰庶有補於將來且夫子談經志取垂訓雖五孝之用則別而百行之源不殊是以一章之中凡有數句一句之內意有兼明具載則文繁略之又義闕今存于疏用廣發揮

夫子之至言。浮偽。浮華。沈辯。  
(元) 傳註解之別名。傳釋經意。傳示後人。

(二) 當理為主。

(三) 至極之當。

(四) 精妙之義。

(五) 樞機要道。

(高) 求猶實也。言在註釋之理。允當。不必譏非其人也。

(登) 章昭王肅。虞翻。劉邵。劉炫。陸澄。

(吳) 詩書易禮春秋。

(毛) 琬。瑛。美玉。琬圭。瑛圭。皆瑞節之名。以御註孝經。寫之琬圭瑛圭之上。若簡策之為庶幾有所裨。

(補) 於將來學者。

(吳) 天子。諸侯。卿大夫。士。庶人。五等所行之孝。

- (一) 說文云。孝善事父母者。从老省。从子。孝經大全云。子在老。傍抗而不順。非孝也。老在子下。逆而不順。非孝也。老上子下。斯象形矣。爾雅釋訓云。善父母為孝。書酒誥云。孝養其父母。皇侃曰。經者常也。法也。
- (二) 開張也。宗本也。明顯也。義理也。言此章開張一經之宗本。顯明五孝之義理。
- (三) 古文。順作訓。下同。
- (四) 注。世作代。民作人。避唐太宗諱。
- (五) 不聰敏。猶言遲鈍。

頭註孝經

御註

開宗明義章第一

仲尼居。仲尼孔子字。居謂問居。曾子侍。曾子孔子弟子。侍謂侍坐。子曰。先王有

至德要道。以順天下。民用和睦。上下無怨。孝者德之至道。

之要也。言先代聖德之主。能順天下人心。行此至要之化。則上下臣人和睦無怨。汝知之乎。曾子避席

曰。參不敏。何足以知之。參。曾子名也。禮師有問。避席起答。敏。達也。言參不達。何足知。此至要之義。

子曰。夫孝。德之本也。人之行莫大於孝。故為德本。教之所由生也。



(六)復還也。曲禮云：長者問，不辭讓而答，非禮：請業則起，請益則起。

(七)禮記曲禮云：侍坐於君子，君子問，更端則起而對。

(八)纂標云：不敢毀傷，在平時言之，若遭事不得已，則舍生取義，故孔子曰：志士仁人，無求生以害仁，有殺身以成仁。又曰：見危授命。曾子曰：戰陳無勇，非孝也。

孟子曰：知命者不立於巖牆之下。曲禮云：為人子者，不登高，不臨深。九論語泰伯篇云：曾子有疾，召門弟子曰：啓予足，啓予手，詩云：戰戰兢兢，如臨深淵，如履薄冰，而今而後，吾知免夫。小子，與！此相發明，不敢毀傷，全而歸之也。

言教從(六)復座。吾語女。(七)身體髮膚，受之父母。

不敢毀傷，孝之始也。(八)立身行道，揚名於後世，以顯父母，孝之終也。

夫孝始於事親，中於事君，終於立身。

脩厥德，大雅云：無念爾祖，聿

脩厥德。

其親故行孝以不毀為先，揚名為後。

言行孝，以事親為始，事君為中，忠孝道著，乃能揚名，榮親，故曰終於立身也。

詩大雅也，無念念也，聿，述也，厥，其也，義取恒念先祖，述脩其德。

天子章第二

子曰：愛親者，不敢惡於人；敬親者，不敢慢於人。

愛敬盡於事親，而德教加於百姓，刑

于四海。

甫刑云：一人有慶，兆民賴之。

甫刑云：一人有慶，兆民賴之。

蓋猶略也，孝道廣大，此略言之。

甫刑云：一人有慶，兆民賴之。

即尚書呂刑也。一人，天子也。慶，善也。十億曰兆。義取天下行孝，兆人皆賴其善。

諸侯章第三

(一)禮記表記云：惟天子受命於天，故曰天子。父母。(二)惡，烏路反，去聲，憎也。(三)他人。(四)慢，侮也。(五)刑，則也。(六)四海，四夷也。東夷，西戎，南蠻，北狄，海，晦，通。孫炎曰：海者，晦暗無知也。(七)呂侯，子孫後封甫，故後人以甫稱。(八)言天子一人有善，則天下兆庶皆倚賴之也。善則愛敬是也，愛敬盡於事親已上也。兆民賴之，德教加於百姓已下也。(九)釋詁云：公侯，君也。正義曰：諸侯猶言諸國之君也。

(二) 呂氏春秋察微篇引孝經云高而不危所以長守富也富貴不離其身然後能保其社稷而和其民人瀧川君山云呂氏春秋成於秦始皇八年而其所引與今本略同則孝經之行既久矣

(三) 龜井昭陽云貴與富皆先君之遺物也長守不失孝也

(四) 社稷猶云國家社土神稷穀神

卿大夫章第四

在上不驕高而不危謂高矣而能不驕則免危也制節謹

度滿而不溢費用約儉謂之制節慎行禮法高而不危所以長守貴也

滿而不溢所以長守富也富貴不離其身然後能保其社稷而和其民人

列國皆有社稷其君主而祭之言富貴當在其身則長為社稷之主而人自和平也蓋諸侯之孝也詩云戰戰

兢兢如臨深淵如履薄冰戰戰恐懼兢兢戒慎臨深恐墜履薄恐陷義取為君恒須戒慎

(五) 詩小雅小旻篇

(一) 先王禮法之衣服龜井昭陽云舉衣服而宮室車器皆包焉

(二) 書早陶謨云五服五章哉孔傳云五服天子諸侯卿大夫士之服也

(三) 論語顏淵篇子曰非禮勿視非禮勿聽非禮勿言非禮勿動

法言謂孝悌忠信仁義禮典也

(四) 道言也

(五) 論語述而篇云子曰志於道據於德

(六) 無擇謂令言行無可擇也

(七) 惡烏路反去聲

(八) 宗者尊也古今注云廟者貌也所以髣髴先人之狀貌也

(九) 禮記王制云天子七廟三昭三穆與大祖之廟而七諸侯五廟二昭三穆與大祖之廟而五大

非先王之法服不敢服服者身之表也先王制五服各有等差言卿大夫遵守禮法不敢僭上僭下

非先王之法言不敢道非先王之德行不敢行法言謂禮法之言德行謂道德之行若言非法行非德則虧孝道故不敢也是故非法不言非道不行

言必遵道口無擇言身無擇行言行皆遵法道所以無可擇也言滿

天下無口過行滿天下無怨惡禮法之言焉有口過道德之行自無怨惡三者備矣然後能守其宗廟

三者服言行也禮卿大夫立三廟以奉先祖言能備此三者則能長蓋卿大夫之孝也詩云夙夜匪懈以事一人

夙早也懈惰也義取為卿大夫能早夜不惰敬事其君也

人

夫三廟一昭一穆與太祖之廟而三，士一廟，庶人祭於寢。  
(三) 大雅烝民篇

士章第五

(一) 纂標云：禮記喪服四制篇云：資於事父以事君而敬同，又云：資於事父以事母而愛同。大戴禮本命篇亦有此語，蓋用孝經文。  
(二) 長，上聲。  
(三) 祿，謂廩食，位謂爵位。  
(四) 祭者，際也，人神相接，故曰際也。祀者，似也，謂祀者似將見先人也。  
(五) 小雅小宛篇。

資於事父以事母而愛同，資於事父以事君而敬同。  
資，取也。言愛父與母同，敬父與君同。故母取其愛，而君取其敬，兼之者父也。  
言事父兼愛與敬也。故以孝事君則忠。  
移事父孝以事君，則為忠矣。以敬事長則順。  
移事兄敬以事長，則為順矣。忠順不失，以事其上，然後能保其祿位，而守其祭祀。  
能盡忠順以事君長，則常安祿位，永守祭祀。蓋士之孝也。詩云：夙興夜寐，無忝爾所生。  
忝，辱也。所生，謂父母也。義取早起夜寢，無辱其親也。

(一) 正義曰：庶者衆也，謂天下衆人也。  
(二) 周禮大司徒五土，一曰山林，二曰川澤，三曰丘陵，四曰墳衍，五曰原隰。  
(三) 養，去聲。  
(四) 論語學而篇云：恭近於禮，遠恥辱也。  
(五) 正義曰：孝道則無終始貴賤之異也，或有自患己身不能及於孝，未之有也。

庶人章第六  
用天之道，  
春生夏長，秋斂冬藏，舉事順時，此用天道也。分地之利，  
分別五土，視其高下，各盡所宜，此分地利也。謹身節用，以養父母。  
身恭謹則遠恥辱，用節省則免飢寒，公賦既足，則私養不闕。此庶人之孝也。  
庶人為孝，唯此而已。故自天子至於庶人，孝無終始，而患不及者，未之有也。  
始自天子，終於庶人，尊卑雖殊，孝道同致，而患不能及者，未之有也。言無此理，故曰未有。

三才章第七

曾子曰：甚哉孝之大也。  
參問行孝無限高卑，始知孝之為大也。子曰：夫孝

(二)左傳昭公二十五年子大叔見趙簡子簡子問揖讓周旋之禮焉對曰是儀也非禮也簡子曰何謂禮對曰吉也聞諸先大夫子產曰夫禮天之經也地之義也民之行也天地之經而民實則之則天之明因地之性生其六氣用其五行簡子曰甚哉禮之大也對曰禮上下之紀天地之經緯也是以先王尚之故人之能自曲直以赴禮者謂之成人大不亦宜乎

(三)三辰日月星

(四)國語齊語云其父

天之經也地之義也民之行也。經常也利物為義孝為百行之首人之恒德若三辰

天地之經而民是則之。天有常明地有常利言人法則天地亦以孝為常行也

則天之明因地之利以順天下。是以其教不肅而成其政不嚴而治。法天明以為常因地利以行義順此以施政教則不待嚴肅而成

先王見教之可以化民也。見因天地教化人之易也

是故先之以博愛而民莫遺其親。君愛其親則人化之無有遺其親者

陳之以德義而民興行。陳說德義之美為衆所慕則人起心而行之

先之以敬讓而民不爭。君行敬讓則人化而不爭

導之以禮樂而民和睦。禮以檢其

示之以好惡而民知禁。示好以引之示惡以止之則人知有禁令不敢

詩云赫赫師尹民具爾瞻。赫赫明盛貌也尹氏為太師周之三公也義取大臣助君行化

人皆屬之也

兄之教不肅而成其子弟之學不勞而成

(五)理治諱高宗諱

(六)開導也

(七)小雅節南山篇

(八)三公大師大傅大保

(一)鄭康成云古者諸侯歲遣大夫聘問天子天子待之以禮此不遺小國之臣者也

又云古者諸侯五年一朝天子天子使世子郊迎芻禾百車以客禮待之

正義曰小國之臣謂子男之卿大夫

(二)王制云老而無妻者謂之寡老而無夫者謂之寡

孝治章第八

子曰昔者明王之以孝治天下也。言先代聖明之王以至德要道化人是為

不敢遺小國之臣而況於公侯伯子男乎。小國之臣至卑者耳主尚接之以禮況於五等諸侯是廣敬也

故得萬國之歡心以事其先王。萬國舉其多也言行孝道以理天下皆得歡心則各以其職來助祭也

治國者不敢侮於寡而況於士民乎。理國謂諸侯也寡國之微者君尚不敢輕侮况知禮義之士乎

故得百

大戴禮云六十無妻曰鰥五十無夫曰寡孟子云鰥寡孤獨此四者天下之窮民而無告者也  
 (三) 臣妾奴婢也  
 (四) 津坂東陽云夫然惟其如此  
 (五) 龜井昭陽云災害天患也如水旱疾疫禍亂民亂也如弑君父亂國家  
 (六) 大雅抑篇

姓之懼心以事其先君諸侯能行孝理得所統之權心則皆恭事助其祭享也 治家者不敢失於臣妾而況於妻子乎理家謂卿大夫臣妾之家之賤者妻子家之貴 故得人之懼心以事其親卿大夫位以材進受祿養親若能孝理其家則得小大之懼心 夫然故生則親安之祭則鬼享之夫然者然上孝理皆得懼 是以天下和平災害不生禍亂不作心則存安其祭 故明王之以孝治天下也下權存安沒享人用和睦以致太平則災害禍亂無因而起 詩云有覺德行四國順之覺大也義取天子有大德行則四方之國順而行之

聖治章第九

(一) 龜井昭陽云天地之性天地之間有性之物  
 (二) 孟子萬章上云孝子之至莫大乎尊親尊親之至莫大乎以天下養  
 (三) 易象傳云太哉乾元萬物資始乃統天  
 (四) 郊祀謂冬至祭天於南郊  
 (五) 配享也祭天時併祭之也  
 (六) 圓丘祭天之處圓者象天圓也丘土之高者  
 (七) 宗祀謂宗廟之祭秋祀也  
 (八) 五方上帝東南西北中

曾子曰敢問聖人之德無以加於孝乎曾子問明王孝理以致和平又問聖人德教更有大於孝不 子曰天地之性人為貴貴其異於萬物也 人之行莫大於孝孝者德之本也 孝莫大於嚴父萬物資始於乾人倫資父為天故孝行之大莫過尊嚴其父也 嚴父莫大於配天則周公其人也謂父為天之始故曰其人也 昔者周公郊祀后稷以配天后稷周之始祖 宗祀文王於明堂以配上帝明堂天子布政之宮也周公因祀文王於明堂乃尊文王他配之也 是以四海之內各以其職來祭君行嚴配之禮則德教刑於四海海內諸侯各脩其職來助祭也 夫聖人之德又何以加於孝乎言無大於孝者 故親生之膝下以養父母日嚴親猶愛也膝下謂孩幼之時也言親愛之心生於孩幼比及年長漸識義方則日加尊嚴能致敬於父母也 聖人因

(九)禮記內則云十年出就外傅。  
 (二)論語季氏篇云孔子嘗獨立鯉趨而過庭。  
 (二)禮記內則云問衣煖寒疾痛苛癢而敬抑搔之抑按痛也搔搔癢也。  
 (三)禮記內則云斂席與草縣衾篋枕縣懸同篋小箱。  
 (三)國語齊語云其父兄之教不肅而能。  
 (四)熊澤蕃山曰父尊子卑父使子仕飲食衣服皆受於父如受祿於君而父教子述如君命臣務父有不義則子爭如君有匪

嚴以教敬因親以教愛。

聖人因其親嚴之心教以愛敬之教故出以就傅趨而過庭以教敬也抑搔

痛縣衾篋枕以教愛也。

聖人之教不肅而成其政不嚴而治。

聖人以就傅趨而過庭以教敬也抑搔

順群心以行愛敬制禮則以施政教亦不待嚴肅而成理也。

其所因者本也。

本謂孝也。父子之道天性也君臣之義

道天性也君臣之義也。

父子之道天性之常加父母生

之續莫大焉。

父母生子傳體相續人倫之道莫大於斯。

君親臨之厚莫重焉。

故不愛其親而愛他人者謂之悖

德不敬其親而敬他人者謂之悖禮。

以順則逆民無則焉。

行教以順人心今自逆不在

於善而皆在於凶德。

善謂身行愛敬也凶謂悖其德禮也。

雖得之君子

不貴也。

言悖其德禮雖得志於人上君子之所不貴也。

君子則不然。

不悖德禮也。言思

政則臣諫是其所以有君臣之義也。

(五)漢書藝文志云父母生之續莫大焉故親生之膝下。

古文續作績爾雅績繼也亦連續之義。

(云)得志遂功成也。

(七)道言也。

論語季氏篇孔子曰君子有九思言思忠事思敬。

(六)左傳襄公十一年衛北宮文子曰君有君之威儀其臣畏而愛之則而象之故能有其國家令聞長世又曰君子在位可畏施舍可愛進退可度周旋可則容止可觀作事可法德行可象聲氣

可樂動作有文言語有章以臨其下謂之有威儀也。

(三)曹風陽鳩篇。

可道行思可樂。

思可道而後言人必信也。

德義可尊作事

可法。

立德行義不違道正故可尊也。制作事業動得物宜故可法也。

容止可觀進退可度。

容止威儀也必合規矩則可觀也。進退動靜也必越禮法則可度也。

以臨其民是以其民畏而

愛之則而象之。

君行六事臨於其人則下畏其威愛其德皆放象於君也。

故能成其德

教而行其政令。

上正身以率下下順上也。法之則德教成政令行也。

詩云淑人君子

其儀不忒。

淑善也。忒差也。義取君子威儀不差為入法則。

紀孝行章第十

(一)正義曰此章紀錄孝子事親之行也

(二)啓蒙云其指孝子之心而言下四其字

(三)禮記檀弓曰事親有隱而無犯左右就養無方

正義曰孝子冬溫夏清昏定晨省及進飲食以養父母皆須盡其敬安之心不然則難以致親之懼

(四)色不滿容行不正履用禮記文王世子

(五)禮記問喪云擗踊哭泣哀以送之鄭注云擗踊拊心也哀以送之謂葬時也

(六)祭謂親沒而祭祀之

(七)啓蒙云嚴謂誠敬精明也

(八)詩小雅小宛云明發不寢鄭注云明發不寢謂夜而至旦也

(九)禮記曲禮云凡為人子之禮在醜夷不爭鄭注夷猶儕也

(十)三者謂驕亂爭

(十一)三牲謂牛羊豕言日日具盛饌以養親之口體也

(一)呂刑云墨罰之屬千劓罰之屬千剕罰之屬五百宮罰之屬三百大辟之罰其屬二百五刑之屬三千

(二)正義曰孔安國云劓其額而混之曰墨刑額額也謂刻額爲瘡以墨塞瘡孔令變色墨一名黥截鼻曰劓別足曰剕釋言云剕別也宮淫刑也男子割勢婦人幽閉閉于宮使不得出也大辟死刑也

五刑章第十一

子曰五刑之屬三千而罪莫大於不孝五刑謂墨劓剕宮大辟也

要君者無上君者臣之稟命也而非聖人者敢要之是無上也

無法聖人制作禮法而非孝者無親善事父母爲孝而此大敢非之是無法也

亂之道也言人有上三惡豈惟

(二) 屬條目也。  
 (三) 要平聲。啓蒙云：要，要素也。要君，謂失忠敬之心而有索己所欲於君也。  
 (四) 瀧川君山云：要與論語憲問「不要君之要」同。言以勢迫君與要道之要異。朱註：要，有挾而求也。  
 (五) 啓蒙云：無者，心不知有君，有而若無也。上即君也。無上，謂無君事之之心而反其君弑其君也。  
 (六) 龜井昭陽云：此大亂之道也。是以不孝之罪為三千之第一也。是承為下而亂。

廣要道章第十二

(一) 正義曰：首章云「至德要道之事而未詳悉，所以於此申而演之，皆云廣也。」  
 (二) 啓蒙云：順者，循理無違之謂也。  
 (三) 啓蒙云：君上所化謂之風，民下所習謂之俗。吳子曰：移謂遷就其善，易謂變去其惡。移風易俗，猶言移易風俗。疏云：子夏詩序云：風，風也。教也。風

子曰：教民親愛，莫善於孝。教民禮順，莫善於悌。  
言教人親愛禮順，無加於孝悌也。 移風易俗，莫善於樂。  
風俗移易，先入樂聲，隨入心，正由君德正之。 安上治民，莫善於禮。  
禮所以正君臣父子之別，故曰莫善於樂。 禮者敬而已矣。  
敬者禮之本也。 故敬其父則子悅，敬其兄則弟悅，敬其君則臣悅。敬一人而千萬人

悅。  
居上敬下，盡得權心，故曰悅也。 所敬者寡而悅者衆。此之謂要道也。

以動之，教以化之，隨其趨舍之情，欲謂之俗。  
 (四) 疏曰：詩序曰：至于王道衰，禮義廢，政教失，國異政，家殊俗，而變風變雅作矣。是入樂聲之義也。  
 (五) 疏曰：政教失，則人情壞，人情壞，則樂聲移，是隨人心也。  
 (六) 疏曰：行禮義以正之，教化以美之，上政既和，人情自治，是正由君德也。  
 (七) 詩序曰：治世之音安以樂，其政和；亂世之音怨以怒，其政乖；亡國之音哀以思，其民困。  
 (八) 禮記經解篇云：孔子曰：安，上治民，莫善於禮。  
 (九) 啓蒙云：如無敬心之真，則假饒雖三千之威儀，三百之禮儀，全備而只是非禮之禮也。故曰禮者敬而已矣。而已矣者，竭盡而無餘之辭也。

廣至德章第十三

(一) 正義云：此章明廣至德之義。  
 (二) 禮記鄉飲酒義：君子之所謂孝者，非家至而日見之也。  
 (三) 九經談云：教以孝，

子曰：君子之教以孝也，非家至而日見之也。  
教言 教以孝，所以敬天下之為人



教以弟，教以臣，臣亦德行之名。

(四) 大雅洞酌篇。

小雅南山有臺云，樂只君子，民之父母。

(五) 易簡之易也，樂易者，君子之至德。

(六) 啓蒙云，大謂其德化彌六合而無外也。

(一) 此章推廣首章立身揚名之義。

(二) 後漢書韋彪傳云，彪上議云，孔子曰，事親孝，故忠可移於君，是以求忠臣，必於孝子之門。

父者也。教以悌，所以敬天下之為人兄者也。孝學

悌以爲教，則天下之爲人子弟者無不敬其父兄也。教以臣，所以敬天下之爲人君

者也。學臣道以爲教，則天下之爲人臣者無不敬其君也。詩云，愷悌君子，民之父母。

愷，樂也。悌，易也。義取君以樂易之道化人，則爲天下蒼生之父母也。非至德，其孰能順民如此

其大者乎。

廣揚名章第十四

子曰：君子之事親孝，故忠可移於君。以孝事君則孝。事兄

悌，故順可移於長。以敬事長則順。居家理，故治可移於官。

君子所居則化，故可移於官也。是以行成於內，而名立於後世矣。上脩

三德於內，名自傳於後代。

(三) 論語爲政篇云，孝乎惟孝，友于兄弟，施於有政。  
(四) 正義云，立謂常有之名。  
(五) 正義云，傳謂不絕之稱。

(一) 正義云，此章言爲臣子之道，若遇君父有失，皆諫諍也。

(二) 命令。

(三) 禮記檀弓篇云，事親有隱而無犯，注云，隱，謂不稱揚其過失也，無犯，不犯顏而諫也。

(四) 論語里仁篇云，子曰，事父母幾諫，見志不從，又敬而不違，勞而不怨，注，幾，微也，下氣怡色，柔聲以諫也。

諫爭章第十五

曾子曰：若夫慈愛恭敬，安親揚名，則聞命矣。敢

問，子從父之令，可謂孝乎。事父有隱無犯又敬，不違故疑而問之也。子曰：是

何言與。是何言與。有非而從，成父不義，理所不可，故再言之。昔者天子有爭

臣七人，雖無道不失其天下。諸侯有爭臣五人，

雖無道不失其國。大夫有爭臣三人，雖無道不

(五)左傳襄公二十六年，自上以下，降殺以兩禮也。謂天子尊故七人，諸侯卑於天子，降兩故五人，大夫卑於諸侯，降兩故三人。天子八份，諸侯六份，天子七廟，諸侯五廟。

(五)論語季子篇云：益者三友，損者三友。友直，友諒，友多聞，益矣。友便辟，友善柔，友便佞，損矣。

(一)此章言天地明察，神明彰矣。又云：孝悌之事，通於神明，皆是應感之事也。

失其家。降殺以兩禮，尊卑之差，爭謂諫也。言雖無道，為有爭臣，則終不至失天下亡家國也。士有爭友，則身不離於令名。令善也。益者三友，言愛忠告，故不失其善名。父有爭子，則身不陷於不義。父失則諫，故不陷於不義。故當不義，則子不可以不爭於父，臣不可以不爭於君。不爭則非忠孝。故當不義，則爭之。從父之令，又焉得為孝乎。

### 應感章第十六

(二)察，明也。啓蒙云：察者，著也。照著不容掩之意。

(三)啓蒙云：神明謂天地。祇，祇也。

(四)啓蒙云：彰，照著分明可見之意也。

(五)正義云：父之昆弟曰伯父叔父，己之昆弟曰兄，其屬非一，故言諸也。

(六)正義云：曲禮曰：父死曰考，言父以上通謂之祖考，胤，嗣也。

(七)禮記文王世子云：公與族燕。

(八)正義云：天曰神，地曰祇，人曰鬼。鬼者歸也，言人生於無還。

子曰：昔者明王事父孝，故事天明。事母孝，故事地察。

王者父事天，母事地，言能敬事宗廟則事天地能明察也。長幼順，故上下治。君能尊諸君，則長幼之道順。君人之化理。

天地明察，神明彰矣。事天地能明察，則神感至誠而降福祐，故曰彰也。

故雖天子，必有尊也。言有父也。必有先也，言有兄也。

父謂諸父，兄謂諸兄，皆祖考之禮也。諸族人與父兄齒也。宗廟致敬，不忘親也。

言能敬事宗廟，則不敢忘其親也。修身慎行，恐辱先也。天子雖無上於天下，猶修其身，慎其行，恐辱先祖也。

宗廟致敬，鬼神著矣。事宗廟能盡敬，則祖考來格，享於克誠，故曰著也。孝

悌之至，通於神明，光于四海，無所不通。能敬宗廟，順梯之心，則至性通於神明，光於四海，故曰無所不通。

詩云：自西自東，自南自北，無思不服。義取德教流行莫不服，義從化也。

歸於無，故曰鬼也，亦謂之神。  
 (九) 尚書益稷云：祖考來格，格，至也。事宗廟能恭敬，則祖考之神來格。  
 (二) 大雅文王有聲篇：思，助語。

(一) 此章言事君之道。  
 (二) 左傳宣公十二年：晉士貞子曰：林父之事君也，進思盡忠，退思補過，社稷之衛也。  
 (三) 論語八佾篇云：臣事君以忠。  
 (四) 將讀為獎，勸也，助也。  
 (五) 馬融云：救猶止也。云：君有過惡，則正而止之者。  
 (六) 小雅隰桑篇。  
 (七) 遐，何也。  
 (八) 謂告也。

事君章第十七

子曰：君子之事上也，上謂君也。進思盡忠，進，見於君則退。退

思補過，君有過失，則思補益。將順其美，將，行也。君有美善，則順而行之。匡救其惡。

匡，正也。救，止也。君有過惡，則正而止之。故上下能相親也。下，君臣同德，故能相親。

詩云：心乎愛矣，遐不謂矣。中心藏之，何日忘之。

遐，遠也。義取臣心愛君，雖離左右，不謂為遠。愛君之志，常藏心中，無日暫忘也。

喪親章第十八

子曰：孝子之喪親也，生事已畢，死事未見，故發此章。哭不偯，氣竭而息，聲不委曲。

禮無容，無容，觸地無容。言不文，不為文飾。服美不安，不安，美飾故服麻。聞樂

不樂，悲哀在心，故不樂也。食旨不甘，旨，美也。不甘，美味故疏食水飲。此哀感之情

也。六句上。三日而食，教民無以死傷生，毀不滅性。

此聖人之政也。不食三日，哀毀過情，滅性而死，皆虧孝道。故聖人制禮施教，不令至於殞滅。喪不過

三年，示民有終也。三年之喪，天下達禮。使不肖企及，賢者俯從。夫孝子有終身之憂，聖人以三年為制者，使人知之。

有終竟之限也。為之棺槨，衣衾而舉之，周戶為棺，周棺為槨，衣謂斂衣衾，被也。舉謂舉屍內於棺也。

陳其簋簠，而哀感之，簋，祭器也。陳，奠素器。而，不見親故哀感也。擗踊哭泣，

(一) 喪上聲，正義曰：父母之亡沒，謂之喪。親喪，亡也，失也。  
 (二) 偯，上聲，聲餘從容也。  
 (三) 禮記問喪篇云：哭泣悲哀，稽顙觸地，無容，哀之至也。  
 (四) 積，粗限切，喪服也。生麻布製，旁及下邊不緝者，謂之斬。麻，腰首所施之纁布，即經。  
 (五) 論語陽貨篇云：君子之居喪，食旨不甘，聞樂不樂，居處不安。  
 (六) 禮記喪服四制篇云：毀不滅性，不以死傷生也。

(七) 論語陽貨篇云，子生三年，然後免於父母之懷。夫三年之喪，天下之通喪也。

(八) 簠，簠音甫，軌盛黍稷之器，圓曰簠，方曰簋。

(九) 擗，以手擊胸也，踊以足躑地也。正義曰：動尸舉柩，哭踊無數，惻但之心，痛疾之意，悲哀，志慙氣盛，故祖而踊之。婦人不宜祖，故發胸擊心。女質不宜極踊，故以擗言之。啓蒙云：哭者口有聲也，泣者目有淚也。禮記問喪篇，故曰：辟踊哭泣，哀以送之，送形而往，迎精而反也。鄭注：辟踊，拊心也，哀以送之，謂葬時也。

(一) 祖，始也，載柩於車也。

(二) 禮記問喪篇云：祭之宗廟，以鬼享之。

(三) 享者，祭祀人鬼之名。

(三) 祔，喪畢，奉神主入廟，而合食於先祖也。

哀以送之。男踊女擗，祖載送之。 卜其宅兆，而安措之。宅，墓穴也，兆，墓域也。

為之宗廟，以鬼享之。立廟附祖之後，則以鬼禮享之。 春秋祭祀，以時思之。寒暑變移，益用增感，以時祭祀，展其孝思也。 生事愛敬，死事哀感。

生民之本盡矣，死生之義備矣，孝子之事親終矣。愛敬哀感，孝行之始終也，備陳死生之義，以盡孝子之情。

孝經音略

三復 <small>上蘇反</small>	泯 <small>彌忍切</small>	煨燼 <small>上烏恢切</small>	糟粕 <small>下匹各切</small>	躄
駁 <small>上尺尹切</small>	殆 <small>待音切</small>	駟 <small>丑郢切</small>	軌轍 <small>上音曷切</small>	琬琰
<small>下北角切</small>	惡 <small>烏路切</small>	稷 <small>子力切</small>	兢 <small>居陵切</small>	懈 <small>佳賣切</small>
<small>上音宛切</small>	悖 <small>補對切</small>	忒 <small>他得切</small>	俵 <small>於豈切</small>	椁 <small>郭音切</small>
<small>古頤切</small>	擗踊 <small>上婢亦切</small>	措 <small>下口故切</small>		簠簋
<small>下音軌</small>				

孝經序說

一 孝經

（一）史記仲尼弟子列傳云、曾參、南武城人、字子輿、少孔子四十六歲、孔子以為能通孝道、故授之業、作孝經、死於魯、

（二）漢書藝文志云、孝經者、孔子為曾子、陳孝道也、夫孝者、天之經、地之義、民之行也、舉大者言、故曰孝經、

（三）宋司馬光古文孝經指解序云、孔子與曾參論孝、而門人書之、謂之孝經、

二 今文孝經

今文、漢世所用隸字也。

隋書經籍志云、孝經為河間顏芝所藏、漢初、子貞出之、凡十八章。

漢書藝文志云、孝經一篇、（十八篇、長孫氏、江氏、后氏、翼氏、四家皆亡）長孫氏說二篇、江氏說一篇、翼氏說一篇、后氏說一篇、雜傳四篇、王應麟

曰蔡邕明堂論引魏文侯孝經傳蓋雜傳之一也安昌侯說一篇漢興長孫氏博士江翁少府后倉諫大夫翼奉安昌侯張禹傳之各自名家經文皆同唯孔氏壁中古文爲異長孫氏說江氏說翼氏說后氏說雜傳安昌侯說皆亡

三 鄭注孝經(今文)

後漢書鄭玄傳云凡玄所注中略孝經。隋書經籍志云孝經一卷鄭氏注劉向以孝經顏芝本比古文除其繁惑以十八章爲定鄭衆

馬融並爲之注又有鄭氏注相傳或云鄭玄鄭玄注孝經甚確

日本現在書目藤原佐世云孝經一卷鄭玄注。唐書藝文志云孝經一卷鄭玄注。

經典釋文陸德明叙錄云世所行鄭注相承以爲鄭玄案鄭志及中經簿無唯中朝穆帝集講孝經云以鄭玄爲主檢孝經注與康成注五經不同未詳是非古文孝經世既不行今隨俗用鄭注十八章本。

經典釋文序錄疏證云後漢書本傳有鄭注孝

經之文自晉中經簿以下有孝經鄭氏注而不題玄名晉永和及太元中再聚群臣共論經義有荀昶者撰集孝經諸說始以鄭氏爲宗晉末以來多有異端陸澄以爲非玄所注請從黜廢王儉不依其請遂得見傳至魏齊雖立學官而世儒每加非議隋開皇中僞孔行世唐開元七年勅議之際劉子玄立十二證以明鄭注非玄其言甚辨司馬貞昌言排擊始得與僞孔並行至十年後明皇自注孝經頒於天下以十八章爲定宋時作疏又用唐注於是鄭孔二家皆不

行用訖於宋末而鄭注亦佚而不完矣清儒臧庸陳鱣始哀輯之而以嚴可均所撰錄爲尤備近人皮錫瑞依據嚴輯爲之作疏  
玄宗御注孝經行鄭注廢。

宋史日本傳文獻通考日本部宋雍熙元年我邦僧裔然獻之太宗而其書亦佚。

宇佐美濤水安永中見古活字本群書治要所引孝經注與經典釋文所引鄭注合知鄭注猶存我邦欲上梓之不果寬政六年岡田新川挺之享和二年窪木竹窓清淵遂表章刊行岡田

氏之書既西、阮雲臺(元)孫仲容(詒讓)疑其非康成、而洪筠軒作孝經鄭氏解補證、收在知不足齋叢書、東條一堂據之著增考、又著孝經兩造簡孚、

嚴鐵橋(可均)黃傲季(以周)申明鄭注為康成。

燉煌出土孝經、鄭注(石濱氏純太郎、得於巴里博物館、謄寫而歸)。

補訂燉煌出土孝經鄭注(林氏秀一補)

四 古文孝經

古文、以古篆書之、與漢隸異。

漢書藝文志云、漢武帝末、魯恭王壞孔子宅、欲以廣其宮、而得古文尚書及禮記論語孝經凡數十篇、皆古字也。

同云、孝經古孔氏一篇、二十二章(劉向云、孔氏古文字、庶人章分為二、曾子敢問章分為三、又多一章、凡二十二章)。

許氏說文後序云、古文孝經、昭帝時魯國三老所獻、建武時衛宏所校。

隋書經籍志云、古文孝經、與古文尚書同出、而



有閨門一章其餘大較相似又衍出三章。王應麟藝文志考證云孔惠所藏與顏芝十八章大較相似而析出三章又有閨門一章不同者四百餘字。

五 孔傳孝經(古文)

隋書經籍志云古文孝經漢孔安國爲之傳梁代安國及鄭氏二家並立國學而安國之本亡於梁亂至隋秘書監王劭於京師訪得孔傳送至河間劉炫炫因序其得喪述其議疏講於人

間漸聞朝廷後遂著令與鄭氏並立儒者誼誼皆云炫自作之非孔舊本而秘府又先無其書。唐玄宗開元七年勅使諸儒對定孔鄭二注左庶子劉知幾是孔國子博士司馬貞探鄭不能決玄宗孔鄭二注並行其後玄宗作御注孝經二注漸廢而孔氏傳仍存我邦享保十七年太宰春臺校刊行世傳至禹域鮑廷博收之知不足齋叢書。

六 御註孝經

有二種其一開元十年初注本。

唐玄宗斥孔鄭二注撮韋昭王肅等注自作新注頒布天下開元十年初注是也。此書禹域既佚我後小松天皇時三條公忠進講之書蓋仍因是本享祿四年公忠裔孫逍遙院實隆影寫者現存祕閣(寬政中屋代弘賢模刻黎氏古佚叢書收錄)

其二天寶改注本(天寶五載所頒即通行本)天寶改注本傳注孝經御注序云孝經河間顏芝所藏因始傳之于世自西漢及魏歷晉宋齊

梁註解之者迨及百家至有唐之初雖備存祕府而簡編多有殘缺傳行者唯孔安國鄭康成兩家之註并有梁博士皇侃義疏播於國序然辭多紕繆理昧精研至唐玄宗朝乃詔群儒學官俾其集議是以劉子玄(知幾)辯鄭註有十謬七惑司馬堅(貞)斥孔註多鄙俚不經其餘諸家註解皆榮華其言安生穿鑿明皇(玄宗)遂於先儒註中採摭菁英芟去煩亂撮其義理允當者用爲註解至天寶二年註成頒布天下仍自八分御札勒于石碑即今京兆石臺孝經是也。

宋眞宗咸平中、刑曷增損元行沖疏、作正義、十三經注疏所收者也。

四庫全書總目云、御註約一萬餘言、用石臺本、不用孔安國本、息今文古文門戶之爭也、亦不用朱子刊誤本。考歷代帝王註是經者、晉元帝有孝經傳、晉孝武帝有總明館孝經講義、梁武帝有孝經義疏、今皆不存、惟唐元宗御註、列十三經註疏中、流傳於世。

七 孝經刊誤

宋朱元晦(名熹、號晦庵)撰。分爲經一章、傳十四章、刪去二百二十三字、

清朱竹垞(彝尊)經義考云、自漢以來說經家、莫能移易經文片言者、移之自二程子大學始也。自漢以來注疏家、莫能刪削經文隻字者、自朱子孝經刊誤始也。

八 歷朝重孝經

大寶令、學令、孝經論語、學者須兼習、凡教授正業、孝經、孔安國注、玄注。

續日本紀、天平寶字元年夏四月辛巳詔曰、(中略)古者治民安國、必以孝理、百行之本、莫先於茲、宜令天下家藏孝經一本、精勤誦習、倍加教授。

續日本後紀、天長十年四月庚辰、皇太子始讀孝經、參議已上、會集東宮、有宴焉。(津阪孝綽孝經發揮云、自是東宮讀書、必自孝經始、距今千年、歷朝永以爲例、其儀見台記玉海、江家次第、鎌倉將軍之讀書也、亦自孝經始、見東鑑建久四年及元久三年、儀亦頗重。)

三代實錄云、貞觀二年十月十六日壬辰、制、哲王之訓、以孝爲基、夫子之言、窮性盡理、卽知一卷孝經、十八篇章、六籍之根源、百王之摸範也、然此間、學令孔鄭二注、爲教授正業、厥其學徒相沿、盛行於世者、安國之注、劉炫之義也、今案、大唐玄宗開元十年、撰御注孝經、作新疏三卷、以爲世傳、鄭注、比其所注、餘義理專非、又稽之鄭志、康成不注孝經、安國之本、梁亂而亡、今之所傳、出自劉炫、事義紛蒼、誦習尤艱、靡厭衆止、更招疑義、故玄宗廣酌儒流、深過睿想、爲之訓

注、冀闡微言、即勅學士儒官、僉議可否、於是、當時有識、碩德名儒、咸集廟堂、恭尋聖義、妙理甚深、常情難測、同共嗟伏、服請頌傳、侍中安陽縣男乾曜等奏曰、天文昭爛、洞合幽微、望即流行、佇光來葉、制曰可、然則孔鄭之注、並廢於時、御注之經、獨行於世、而唯傳彼注、未讀件經、假之通論、未爲允慥、鄭孔二注、即謂非真、御注一本、理當遵行、宜自今以後、立於學官、教授此注、以充試業、庶革前儒必固之失、遵先王至要之源、但去聖久遠、學不厭博、若猶敦孔注、有心講誦、

兼聽試用、莫令失望。

同、貞觀四年八月十一日丁未正六位上行直講刈田首安雄講御注孝經。

同、元慶八年二月六日丁酉直講正六位上直道宿禰守永講御注孝經。

寬平中、藤原佐世撰古今集註孝經九卷、(台記)邦儒作經注、蓋以此爲始。

九 孝

左傳隱公元年、君子曰、穎考叔純孝也、愛其母、

施及莊公詩曰孝子不匱永錫爾類（大雅既醉）其是之謂乎。

同閔公二年且子懼不孝无懼弗得立脩己而不責人則免於難……立可必乎孝而安民子其圖之。

同文公二年凡君即位好舅甥脩婚姻娶元妃以奉粢盛孝也。孝禮之始也。

禮記祭義云孝子爲能饗親饗者鄉也鄉之然後能饗焉是故孝子臨尸而不作。

同孝子之祭也盡其慤而慤焉盡其信而信焉

盡其敬而敬焉盡其禮而不過失焉進退必敬如親聽命則或使之也。

同孝子之有深愛者必有和氣有和氣者有愉色有愉色者必有婉容孝子如執玉如奉盈洞洞屬屬然如弗勝如將失之嚴威儼恪非所以事親也。

同天之所生地之所養無人爲大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也……一舉足而不敢忘父母一出言而不敢忘父母一舉

足而不敢忘父母，是故道而不徑，舟而不游，不敢以先父母之遺體行。殆，一出言而不敢忘父母，是故惡言不出於口，忿言不反於身，不辱其身，不差其親，可謂孝矣。

禮記內則云：父母有過，下氣怡色，柔聲以諫。諫若不入，起敬起孝，說則復諫，不說與其得罪於鄉黨州閭，寧執諫。父母怒，不說而撻之，流血，不敢疾怨，起敬起孝。

同。父母雖沒，將爲善，思貽父母令名，必果；將爲不善，思貽父母羞辱，必不果。

同。曾子曰：孝子之養老也，樂其心，不違其志，樂其耳目，安其寢處，以其飲食，忠養之。孝子之身終，終身也者，非終父母之身，終其身也。是故父母之所愛，亦愛之；父母之所敬，亦敬之。至於犬馬，盡然而況於人乎。

論語學而篇云：子曰：父在觀其志，父沒觀其行，三年無改於父之道，可謂孝矣。

同。爲政篇云：孟懿子問孝，子曰：無違。樊遲御，子告之曰：孟孫問孝於我，我對曰：無違。樊遲曰：何謂也？子曰：生事之以禮，死葬之以禮，祭之以禮。

同、孟武伯問孝、子曰、父母唯其疾之憂。

同、子游問孝、子曰、今之孝者、是謂能養、至於犬馬、皆能有養、不敬、何以別乎。

同、子夏問孝、子曰、色難、有事、弟子服其勞、有酒食、先生饌、曾是以為孝乎。

同、季康子問、使民敬、忠、以勸、如之何、子曰、臨之以莊、則敬、孝慈、則忠、舉善而教、不能、則勸。

同、或謂孔子曰、子奚不為政、子曰、書云、孝乎惟孝、友于兄弟、施於有政、是亦為政也、奚其為為政。

同、泰伯篇云、曾子有疾、召門弟子曰、啓予足、啓予手、詩云、戰戰兢兢、如臨深淵、如履薄冰、而今而後、吾知免夫、小子。

同、先進篇云、子曰、孝哉閔子騫、人不間於其父母、昆弟之言。

同、里仁篇云、三年無改於父之道、可謂孝矣。

同、子張篇云、曾子曰、吾聞諸夫子、孟莊子之孝也、其他可能也、其不改父之臣與父之政、是難能也。

同、泰伯篇云、子曰、禹吾無間然矣、菲飲食、而致



孝乎鬼神、惡衣服、而致美乎黻冕、卑宮室、而盡力乎溝洫、禹吾無間然矣。

孟子萬章上篇云、孝子之至、莫大乎尊親、尊親之至、莫大乎以天下養、為天子父、尊之至也、以天下養、養之至也。詩曰、永言孝思、孝思維則。此之謂也。

同、告子下篇云、堯舜之道、孝弟而已矣。

同、盡心上篇云、孟子曰、君子居是國也、其君用之、則安富尊榮、其子弟從之、則孝弟忠信。

頭註  
孝經  
孝 (稱略)



昭和十八年九月一日 印刷  
昭和十八年九月五日 發行

出版會承認イ一七〇四三七號  
發行部數一、〇〇〇部  
定價金四拾五錢

著者 澤田 總清

發行者 東京小石川區小日向水道町八十四番地  
株式會社 東京開成館  
代表者 渡部 涉

印刷者 東京區西二丁目三番地  
三協印刷株式會社  
(東東五九) 高橋 郁

發行所 東京小石川區小日向水道町八十四番地

株式會社 東京開成館  
電話、大塚(四)三一三一—五番  
板橋口座東京五三二二番

元給配 東京區神田區  
日本出版配給株式會社

439
165

終

